

Tăkarde ta tăzzarăt iktăb Exya

Yisa a-s Măjrăd wa isidură̄n

¹ Wa t-illă̄n a-s wär t-illa a t-illan ihakkă̄n tămudre ta tăglă̄lă̄t, nəsl'-as s-timəzzujen-nă̄ñ, nənhay-t s-tițławen-nă̄ñ, nă̄zjă̄zz'-e, nədă̄s-t s-ifassă̄n-nă̄ñ.

² Tămudre-ten-dă̄y, tănfală̄l-ană̄y-dd, nənhă̄y-tă̄t, nă̄moos tijuhawen-net i-ad-hawă̄n-nă̄j isă̄lan-net, təlmədă̄m a-s tămudre ta tăglă̄lă̄t s-kă̄la t-təlla ȝur-Abba, ă̄snă̄fală̄l-ană̄y-tă̄t-dd.

³ A-wa nənhă̄y d-a-wa s-nəslă̄, nəsiȝul'-awă̄nt i-ad-tahərəm dă̄r-nă̄y kă̄wă̄ned-dă̄y tassayı̄t ta nohă̄r d-Abba d-Rure-s Yisa Ālmasex.

⁴ A-wen-dă̄y a săr-nă̄y dd-oră̄wă̄n derhan n-ad-hawă̄n-in-nəktəb tăkarde-ta-dă̄y i-ad-tumas tedă̄wit-nă̄ñ, tedă̄wit təmdat.

Măssină̄y ănnur a ămoos.

⁵ Ǝntăneđ da isă̄lan wi s-nəslă̄ ȝur-Yisa Ālmasex hawă̄n-nəsiȝul: Măssină̄y, ănnur, wär t-illa a osāy d-tihay.

⁶ Afă̄l nənna nosāy dă̄r-s uhə̄n-dă̄y nällil tihay, inə̄sbuha wă̄ren oher hă̄ră̄t d-tidə̄t a nă̄moos.

⁷ Mă̄šan, afă̄l nă̄rjāš dă̄y-ănnur s-əmmək wa s-dă̄y-s izză̄y ənta iman-net, dihen ad-tətbə̄t tassayı̄t ta n-jere-nă̄y nă̄kkă̄ned-i n-imumənă̄n, ișə̄sdə̄j-ană̄y day ašni n-Rure-s, Yisa, dă̄y-e d t-illă̄m abă̄kkad.

8 Afäl nənna wär hanäg-werän ibäkkadän, iman-nänäg ɣas a nəsaswad, wär nənna tidət.

9 Mässinäg, iğdal, oğad: afäl sär-s dd-näsfäkkär ibäkkadän-nänäg, ad-hanäg-tän-in-änš, işəsdəj-anäg däg-e d t-illäm iba n-iqqud.

10 Afäl nənna wär käla-nämeşäl abäkkad, ad-näj Mässinäg änäsbahu ed wäla a-wa innä däg-mäjräd-net, näsibaggät-t.

2

Yisa Ālmasex a-s änabdid-nänäg

1 Ilyađän-in, isälan-wi-däg, kattäbäg-awän-tän-in i-ad-wär həkkəm iman-näwän abäkkad. Kunta dağ oda iyıyan däg-wän däg-abäkkad, nəla änabdid ɣur-Abba, a t-ämooṣän YisaĀlmasex-i oğädän wär-iwer abäkkad.

2 Ənta a ikfän iman-net i-ad-hanäg-umas takute ta hanäg-jarrwǟt tenäşše n-ibäkkadän-nänäg; a-wen wädden näkkäned ɣas a-s t-ija, ij'-e i-käl-äddunya təmda.

Amişəl n-a-wa innä Mässinäg

3 Aşämöl n-təməzzuyt-nänäg i-Mässinäg, a t-ämooṣän amişəl-nänäg i-färədän-net.

4 Ere innän izzay Mässinäg uhən-däg wär iṭtef alämärän-net, änäsbahu wärän oher härät d-tidət a ämoos,

5 mäšan, əwadəm wa itamaşalän tənna n-Mässinäg, təmdä-dd tärha n-Mässinäg s-ulh-net, ənta-den-däg a-wa isalmadän a-s nosaq d-Mässinäg.

6 Ere innän osay d-Mässinäγ härät, adiš, iṭṭefet amišel n-erhet n-Mässinäγ s-əmmək wa s-t-amešäl ȳisa.

7 Imärhan-in, wadden isälan n-alämär äynayän a fäl hawän-in-kattäbäγ, änn-ak, alämär s-äru-däγ, yur-eğaf n-härät iket-net, ill'-e; alämär-en, a t-ämooosän, mäjräd n-Mässinäγ wa s-äru d-has-tësläm.

8 Hakd a-wen-däγ, a-wen, wär hin-ikkes a-s alämär wa hawän-in-kattäbäγ, alämär äynayän a ämoos. Alämär, s-tidət-net, äsnäfaläl-tät-dd ȳisa, täsnäfaläläm-tät-dd däγ kăwăned fäl-a-s tihay, tiləmnät-in, ad-dd-itimləwləw ännur wa n-tidət däγ-edägg-näsnät.

9 Ere innän ənta izzaγ däγ-ännur wa n-Mässinäγ, a-s ija a-wen, okäd d-äñja-s däγ-äddin, äwadəm-en, iha tihay härwa.

10 Ere wa irhän äñja-s däγ-äddin, ih' ännur, wär t-dd-e-ifəl a-s äsnämäsräy äñja-s, isidəw-t däγ-abäkkad.

11 mäshan, ere okädän d-äñja-s däγ-äddin, iha tihay, irjaś däγ-tihay, wär-isSEN e-s ikka ed, ärmasnät-t tihay.

12 Ilyađän-in, isälan-wi-däγ, kattäbäγ-awän-tän-in ed ibäkkadän-năwän, inš'-awän-tän-in Mässinäγ däγ-idəm n-isəm n-ȳisa.

13 Kăwăned-i n-abbatän däγ-äddin, kattäbäγ-awän-in ed təzzayäm
Wa t-illän härwa wär t-illa a t-illan,
kattäbäγ-awän kăwăned-i n-imawađän ed,
təkrăšäm ašäl fall-Iblis-i n-Anämsod.

14 Kattābāğ-awān-in kāwāned-i n-aratān-in dāğ-
ăddin ed,
təzzayām Abba.

Əktabāğ-awān kāwāned-i n-abbatān ed
təzzayām Wa t-illān hārwa wär t-illa a t-illan,
əktabāğ-awān-in kāwāned-i n-imawađān ed,
iməşsuha əṭṭafnen s-sārḥo mājrād n-Mässināğ
dāğ-ülhawān-nāsān a tāmoosām,
təkraşām aşāl fäll-Iblis-i n-Anāmsod.

Tuksəda n-Mässināğ, wär tidaw d-tärha n-wälät-ăddunya

15 Wär tärhem ăddunya wāla a-wa la
ăddunya. Ere irhan ăddunya, wär ha tärha
n-Abba ulh-net

16 fäl-a-s, a-wa la ăddunya iket-net, jer-
əttəkəbru wa n-derhanān wi läbasnen n-tağəssa
wāla əttəkəbru wa n-derhanān wi n-tiṭawen d-
adkul n-iman dāğ-əttəkəbru wa dd-tirəw terše
n-wälät ăddunya, wădden Abba a dd-ifal,
ăddunya a dd-ifal.

17 Tidət ənta da: ăddunya, ilkam iba-net ənta
d-izəjraz-net māšan, ăwadəm wa itamaşalān
erhet n-Mässināğ, iğlal.

Imiksänän n-Ālmasex

18 Ilyadān-in, ajilal n-ăddunya a nəha.
Wădden təslam a-s ilkam Āddäżżal[†] wa n-
ämiksän n-Ālmasex? Ārheex ad-kāwān-
səlmədāğ hārwa ămăra-dāğ, a-s osān-dd
ăddäżżalān n-imiksänän n-Ālmasex ăjjootnen.
Ənta-den-dāğ aşāmol wa hanāğ-isalmadān a-s
ajilal n-ăddunya a nəha.

† 2:18 2:18 Āmakşar, aşānjo d-eməkkennəs n-Ālmasex.

19 Äddäžžalän n-imiksänän n-Älmasex-en, a-s t-əllan jere-näg wär t-illa a-s hanäg-han ed, ənnär ämoosän härät däg-näg, wär hanäg-hékkən iroriyawän-näsän. Ašäl-i, fälän-anäg i-ad-dd-infiləl a-s iket-näsän, wär-ämoosän härät däg-näg.

20 Käwäned iket-näwän, təssanäm a-wa ämoosän tidət ed ikf'-iwän Wa n-Eməšeddəj, Unfas Şaddijän.

21 Yas, akätab wa hawän-in-jeg, wär hawän-t-in-jeg däg-təssəba n-a-s innin wär təssenäm tidət, təssanäm-tät, təssanäm dag a-s wär t-illa əmmək s-dd-izjär bahu tidət.

22 Ak äddäžžal-wa-däg n-ämiksän n-Älmasex-i-däg fäw, mi t-ämoosän? Adiš ämoos-t ere wa innän a-s ɻisa wädden ənta a-s Älmasex, əntaden-däg äddäžžal n-Älmasex wa wärän irda s-Abba wäla Rure-s.

23 Ere wa wärän irda a-s ɻisa, Rure-s n-Mässinäg, wär-irda dag s-Abba; ere wa iqbalän Rure-s n-Mässinäg, iqbal dag Abba.

24 Käwäned, a-wa s-təsläm ašäl äzzarän d-tomänäm s-ɻisa Älmasex däg-ulhawän-näwän, ətəfət-t. Afäl tətəfətäm däg-ulhawän-näwän a-wa s-təsläm ašäl äzzarän d-tomänäm s-ɻisa, ad-tətbət tassayt-näwän d-Rure-s n-Mässinäg hakd Abba.

25 Ənta da ārkawäl wa hanäg-ijjäš Älmasex, inn'-anäg: «Näkk, hakkäg-käwän təmudre ta täylälät.»

26 Yas, akätab wa hawän-in-jeg, i n-ad-käwän-səmmətəräg d-ad-təjəm ənniyät i-äddinät-wi tattärnen ašəsk-näwän,

27 səktəwāy-kāwān-dd day a-s, Ālmasex, issānyāl Unfas-net fälla-wān. Ɣas, šāmad iha Unfas-net ulhawān-nāwān, adiš wār tāmŷatārām s-ad-kāwān-isāyār āwadəm wāl' iyyān, ḥann-ak Unfas-en-dāy a kāwān-madān-isāyār hārāt iket-net. A-wa isayra day ənta, ădduuttāt a-s wār t-iha bahu, ɣas, mašälät a-wa kāwān-issāyra Unfas dāy-isālan n-tartit-nāwān d-Ālmasex.

28 Āmāra-hi ilyadān-in, ɣaymāt tosayām d-Ālmasex i-ad nudabāt tebādde data-s ašāl wa dd-mad-infilēl ed ad-hanāy-ijrēw nət̄ṭaf immun, di-hen, wār mad-nəmmujrāz, wār mad-nəkrukād.

29 Šāmad təssanām a-s Ālmasex oyad, adiš, əlmədāt day a-s ere itamašalān a oyādān iket-net, ara n-Mässināy a āmoos.

3

A-wa dār-olāh ālxal n-ăddinăt əzzăynen Mässināy

1 Ǝnhəywāt ɣas təmŷare n-tärha ta hanāy-ija Abba, tärha ta t-tāwwāyāt har hanāy-ija isəm: «Aratān-nin,» ənta-den-dāy day a-wa nāmoos. A-wen-dāy a fāl wār hanāy-fəhhəmān kāl-ăddunya ed wār-əzzeyān Mässināy.

2 Imärhan-in, tidət-dāy a-s aratān n-Mässināy a nāmoos əmāra-dāy, māšan, a-wa s-il kam ad-t-numas, wār dd-ānfalāl hārwa; nəssan ɣas a-s ašāl wa dd-mad-iqqəl Ɣisa, ad-dār-s nalāh ed ad-t-nənhəy ənta iman-net s-ālxal wa iha əmāra-dāy.

3 Ere ijärän ättämä n-a-wen-däg-däg, adiš, išəsdəjet iman-net s-əmmək wa s-Yisa iman-net, šaddij.

Iba n-ihuk n-iman-net i-abäkkad, färəd

4 Ere itamašalän abäkkad, ilmədet a-s ənimäšräy i-alämär n-Mässinäg ed abäkkad, tanməšrayt i-alämär n-Mässinäg.

5 Təssanäm day a-s YisaĀlmasex, osä-dd i-ad-ikkəs ibäkkadän fäll-äddinät, ənta, wär t-illa abäkkad t-iwarän.

6 A-wen-däg a fäl ere osayän d-Yisa härät-däg, adiš, ibdəwet d-abäkkad fäl-a-s ere wärän izzey Yisa, wär t-illa a ijrah däg-isälan-net, a ihakkän iman-net abäkkad.

7 Ilyadän-in, wär kăwän-işinməşrəyet əwadəm wäl' iyyän. Ere itamašalän iqqud, oğad ed Ālmasex-i s-ilkäm, oğad,

8 mäšan, əwadəm ikfan iman-net abäkkad, Iblis a t-ilän, Iblis day, ənta a äzzarän s-abäkkad. Rure-s n-Mässinäg, Yisa, osä-dd i-ad-işägşəd fäll-Iblis a-wa itamašal.

9 Äwadəm, e-d ämoos ara n-Mässinäg, ad-äbas olwa däg-abäkkad ed ikf'-e Mässinäg tärnanet, ad-äbas ikfa iman-net abäkkad ed ara n-Mässinäg a ämoos.

10 Ənta-den-däg a-wa ibdän aratän wi n-Mässinäg d-wi n-Iblis. Ere wärän itəjj a oğadän mey ere wärän irha änja-s däg-äddin iket-net, a-di, wär-ämoos ara n-Mässinäg.

11 Isälan wi fälla-näg dd-äzzubbätnen härwa s-tizarät, ätwänn'-anäg däg-sän: «Nəmärhät jeriman-näwän.»

12 Wär nətilähet d-Kayin-i däg-innähäđ Ib-lis har ij'-iman n-ăŋŋa-s. Mafäl ij'-iman-net? Ij'-iman-net fäl-a-s ənta Kayin, imojjan-net iläbasnen, a-s ija a-wen wi n-ăŋŋa-s, i oğadnen.

Tärha ta tānihājjät jer-ăŋŋatän

13 Ayətma-γ, mikdaw wa där-wän jän käl-ăddunya, wär-itäqqänet ixäfawän-näwän.

14 Näkkäned, nəssan a-s nənkär-dd däg-tamättant, nəjjäš tämudre. Tämudre-en, ašämöl-net, tärha-ta nəja i-ayətma-näg däg-ăddin. Ere wärän irha ayətma-s däg-ăddin, enəmmettən härwa a āmoos.

15 Ere okäđän d-ăŋŋa-s däg-ăddin iket-net, emäjj n-iman a āmoos, təssanäm a-s wär t-illa emäjj n-iman ijrawän tämudre ta täglälät.

16 YisaĀlmasex, ikfä tämudre-net däg-təssəba-nänäg. A-wen däg a fäl, näkkäned-däg, iwar-anäg ad-näkf tämudre-nänäg i-ayətma-näg däg-ăddin.

17 Afäl inhäy āhaləs n-amärrəzäg ăŋŋa-s däg-ăddin ămixatärän, wär has-oden tähaniint, əndek əmmək wa s-mad-ănn ha tärha n-Mässinäg ulh-net.

18 Ilyadän-in, wär baddädet tärha-nänäg xurmäjräd d-täzude n-iləs γas, tumaset tärha-nänäg, tärha n-tidət ässiitbätän imojjan-nänäg.

19 Əmmək-wen-däg a-s mad-nəlməd a-s təl'-anäg tidət, əmmək-wen-däg dag a-s mad-ismađän ulhawän-nänäg dat-Mässinäg

20 fäl-a-s, kunta sawärän-anäg ulhawän-nänäg uđlem, Mässinäg ojär ulhawän-nänäg, wär t-illa dag a has-idrajän.

²¹ Imärhan-in, kunta wär hanäg-äswärän ul-hawän-nänäg udlem, adiš, wär t-illa a hanäg-madän-isärmäg dat-Mässinäg,

²² dihen ad-däg-s nöttär-däg, ad-hanäg-t-äkf ed nöttaf alämärän-net, nötamašal a-wa irha.

²³ Mässinäg, ḡonta da a-wa fälla-näg ifräd: namənet s-Rure-s Ÿisa Älmasex, nənmärhet jeriman-nänäg s-əmmək wa s-fälla-näg-t ifräd Älmasex.

²⁴ Ere wa itamašalän alämärän n-Mässinäg, osaġ d-Mässinäg, osaġ där-s dağ Mässinäg; Unfas Šäddijän wa hanäg-ikfa a hanäg-isalmadän a-s nosaġ d-Mässinäg.

4

Bahu, wär-itäqqəl tidət

¹ Imärhan-in, he käwäned! Wädden ere dd-iggädän inn'-awän Mässinäg ad-t-dd-äshimašälän, təfləsäm-t. Arəmät-tän iket-däg-näsän təzzar, təssənäm tayətte-näsän Mässinäg a dd-təfal mey a dd-əkkasän xas däg-iğafawän-näsän. A-wen, jannejg-awän-t i-ad-təlmədäm a-s äddunya-ta-däg, ḡbsayän däg-s ännäbitän n-bahu äjjootnen.

² ḡonta da tamätart ta käwän-madät-səlməd a-s äddinät-en, Unfas Šäddijän n-Mässinäg a tän-ihan mey: e d t-illäm äwadəm äjjəyhän a-s Ÿisa Älmasex osä-dd äddunya däg-tağəssa n-ägg-adəm, Unfas n-Mässinäg a t-ihan,

³ mäšan, äwadəm iket-net äkkuddälän ass n-Ÿisa Älmasex i-äddunya iqqal ägg-adəm, wär t-ihä Unfas n-Mässinäg, Unfas wa n-äddäžžal

a t-ihan. Äddäžžal n-Älmasex-en, təsläm a-s imal-dd, ässiilmädäg-käwän ämära a-s ijjäš-dd äddunya.

4 Käwäned-i n-ilyadän-in, Mässinäg a käwän-ilän, təkräšäm day tärna fäll-ännäbitän wi n-bahu fäl-a-s Unfas wa käwän-ihän irna Unfas wa ihän käl-äddunya.

5 Ännäbitän-en n-bahu, mäjräd wa n-äddunya a tajjän, täsijäd-asän day äddunya ed, terše a tän-təja

6 mäshan, näkkäneq Mässinäg a hanäg-ilän. Ere wa äksudän Mässinäg, ad-hanäg-isøjed, ere wa wärän äksud Mässinäg, wär hanäg-mad-isøjed. A-wen-däg a hanäg-isalmadän Unfas wa ilkamän i-tidet d-Unfas wa išənməşrəyän äddinät.

Mässinäg, emärh

7 Imärhan-in, nənmärhet jer-iman-nänäg ed tärha Mässinäg a dd-təfäl, ere wa s-təha tärha ulh-net, ara n-Mässinäg t-izzayän a ämoos,

8 ere wa s-wär ha tärha ulh-net, wär izzey Mässinäg ed Mässinäg emärh.

9 Ənta da əmmək wa s-hanäg-dd-äsnäfaläl Mässinäg tärha ta hanäg-ija: äšmašäl-dd Rure-s wa n-iyyän s-äddunya i-ad-hanäg-umas əssəbab n-tä mudre.

10 Ənta da a-wa äsidätten tärha ta hanäg-ija Mässinäg: wädden näkkäneq a t-ärhären s-tizarät, ənta a hanäg-irhän s-tizarät ed äšmašäl-dd sär-näg Rure-s i-ad-umas takute hanäg-madät-təjrəw tenäşše n-ibäkkadän-nänäg.

11 Imärhan-in, šämad Mässinäγ, ij'-anäγ tärha togdähät d-a-wen-däγ, adiš, näkkäned-däγ, iwar-anäγ ad-nənmärh jer-iman-nänäγ.

12 Wär t-illa ere s-käla inhäy Mässinäγ mäšan, afäl nänmärha jer-iman-nänäγ, ad-dd-iddək ul-hawän-nänäγ, isənnəfiləl daγ tärha-net däγ-näγ s-əmmək itbatän.

13 Unfas Šaddijän wa hanäγ-ikfa Mässinäγ, ənta a hanäγ-isalmadän a-s nosaγ d-Mässinäγ, osaγ daγ där-näγ.

14 Mässinäγ, äšmašäl-dd Rure-s i-ad-umas Āmaylas n-äddunya. Āmoos a-wen a nənhay s-tiṭawen-nänäγ, nətilxut daγ sär-s.

15 Ere äjjəyhän a-s Yisa Rure-s n-Mässinäγ, osaγ d-Mässinäγ, osaγ där-s daγ Mässinäγ.

16 Näkkäned, nəflas tärha ta hanäγ-ija Mässinäγ ed, Mässinäγ emärh. Ere āmoosän emärh iket-net, osaγ d-Mässinäγ, osaγ där-s daγ Mässinäγ.

17 Afäl tətbät tärha-nänäγ i-Mässinäγ däγ-ulhawän-nänäγ, wär-mad-närmäγ ašäl wa ilkämän fäl-a-s, ad-näj däγ-äddunya-ta-däγ tāmudre tolähät d-ta däγ-s ija Yisa.

18 Tärha d-tuksəda, wär tidawnät ed, tärha, wär təyy edägg i-tuksəda. Yas, ere s-wär ha ar tuksəda ulh-net, a-di tärha a wärät ha ulh-net ed, tuksəda wär təjj ar däγ-təssəba n-tisnant təlkamät.

19 Näkkäned, ha tärha ulhawän-nänäγ ed, Mässinäγ a hanäγ-irhän s-tizarät.

20 Ere innän: ärheγ Mässinäγ, a-s ija a-wen äšsunjät änja-s däγ-äddin, a-di anäsbaħu a āmoos fäl-a-s käyy, kunta änja-k wa t-illän

dat-tițawen-năk, hannäyăd-t, wär t-tärhed, ma isalmadän s-tärha-năk i-Mässinäg-i wär henneyäd?

²¹ Alämär wa hanäg-dd-oyyä YisaĀlmasex, ənta da: «Ere innän irha Mässinäg, adiš ärhet dayg äŋŋa-s däg-äddin.»

5

Isälän n-immun wa wär-iha äššäk

¹ Ere omänän a-s Yisa a-s Ālmasex, ara n-Mässinäg a ämoos, ere irhän amäraw adiš adärh dayg aratän-net.

² Ənta da a-wa hanäg-isalmadän a-s närha aratän n-Mässinäg: tärha ta n-Mässinäg d-amisəl n-alämärän-net.

³ Ere innän irha Mässinäg, adiš, ämašälet dayg alämärän-net; alämärän-net dayg, wär sär-näg jen eżäwe-wen-däg.

⁴ E d t-illäm ara n-Mässinäg, ässiynäy, addoobät ad-ikrəš ašäl fäll-äddunya. Immunänäg a hanäg-ikfän tärna-ten-däg fäll-äddunya.

⁵ Äddunya-ta-däg, mi fälla-s madän-ikrəš ašäl kunta wadden ere wa omänän s-Yisa wa n-Rures n-Mässinäg?

⁶ Yisa, ənta a dd-äšmašäl Mässinäg s-äddunya i-ad-itwəsəlmäg däg-aman, inğəl ašni-net, ämoos takute. Wär dd-ijješ äddunya i-ad-itwəsəlmäg ɣas, ijjäš-tät-dd i-ad-itwəsəlmäg däg-aman, inğəl ašni-net i-ad-umas takute. Awen, tajuhe hanäg-ijs Unfas Šaddijän-i wärän ijənn a säl tidət.

7 Āmāra, kāradät tijuhaven a ässitbätnen a-wa āmoos Yisa:

8 Unfas n-Mässinäg, aman-wi-däg ätwäsälmäg d-ašni-net wa inxälän a-s ämmut. Tijuhaven-tin-däg, tikkäräden, iyyän n-emm a oharnät däg-a-wa āmoos Yisa.

9 Ǝnta-den-däg tajuhe ta ija Mässinäg fäll-Rure-s. Tajuhe ta n-Mässinäg, tojär ta n-dägg-adəm-i s-hanäg-räqqis ad-tän-nəfles.

10 Ere omänän s-Rure-s n-Mässinäg däg, ad-isətbət tajuhe-ten-däg mäšan ere wa wärän omen s-tajuhe n-Mässinäg, ija Mässinäg anäsbahu ed, wär-omen s-tajuhe-ta ija Mässinäg fall-Rure-s Yisa.

11 Tajuhe-en, ätwänn'-anäg däg-s a-s: Mässinäg, ikf'-anäg tämudre ta täglälät. Tämudre-en, ikf'-anäg-tät däg-idəm n-Rure-s,

12 ere omänän s-Rure-s n-Mässinäg, ijraw tämudre-ten-däg, ere wärän sär-s omen wär tät-mad-ijrəw.

Āttāma wa hanäg-ăsjär Yisa Ālmasex

13 Isālan-wi-däg hawän-in-əktäbäg däg-täkarde-ta-däg, əktäbäg-awän-tän-in i-ad-kawän-səlmədäg kawäned-i omännen s-Rure-s n-Mässinäg Yisa a-s təjrawäm tämudre ta täglälät.

14 Fella-nänäg xur-Mässinäg, ənta da: Nəssan a-s Mässinäg, ăsijäd-anäg, afäl a-wa däg-s nəttärr, wär-ānmäšräy i-erhet-net.

15 Šāmad nəflas a-s ăsijäd-anäg, e-d t-nədäl-däg, adiš, nəflas a-s a däg-s nəttär-däg, ad-hanäg-t-äj.

16 Ere dāy-wān inhāyān ājnja-s dāy-ăddin har āmešäl abäkkad wärän išekš temse, ittäret-as dāy-Mässinäy i-ad-has-ānš, ad-has-ānš. Awen, ənneχ-tän fäll-ibäkkadän wi wären šekš temse fäl-a-s, ill'-e abäkkad išaksen temse; wen, wär hawän-jenney ad-tədələm Mässinäy dāy-təssəba-net.

17 Iba n-iqqud, abäkkad măšan, əllan-t ibäkkadän wären šekš temse.

18 Nəssan a-s ara n-Mässinäy, wär ihəkk iman-net abäkkad ed, ogaz-t Rure-s n-Mässinäy i-ad-fälla-s wär-ikreš Iblis-i n-Anämsod ašäl.

19 Näkkäned, nəssan a-s Mässinäy a hanäy-ilän, nəssan dāy a-s äddunya-ta-dāy iket-net, ännihäd dāy-s Iblis.

20 Nəssan a-s Rure-s n-Mässinäy, osä-dd äddunya, ikf'-anäy tayötte-ta hanäy-madät-suksəd Mässinäy wa s-ənta ɣas d-Rure-s ɣisaĀlmasex a-s əssəbab n-tassayt ta där-s nəja. Ənta a-s Mässinäy, ənta a ihakkän tämudre ta täylälät.

21 Ilyadän-in, agəzät iman-näwän dāy-ălybadät n-ăşşənämän a ămoosän-dāy. Amin!

**Ălənžil n-Visa Ălmasex: Kitab Ălmuqăddăs
Tamasheq: New Testament**

copyright © 2003 Wycliffe Bible Translators, Inc.

Language: (Tamasheq)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022
b95f369b-a236-5ca8-8cab-11f74279d73c